



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ**

Ո Ր Ո Շ ՈՒ Մ N_135

Տուգանք նշանակելու մասին

20.04.2022թ.

ք. Երևան

Քննելով տեսչական մարմնի կողմից 2022թ. մարտի 30-ի N 206-Ա հրամանով

«ՈՍՏԱՆԻԿ ՀԱՅՐԵՆՅԱՑ» ՍՊԸ-ում

/ՀՎՀՀ՝ 09809097/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 206-Ա կազմված 15.04.2022թ., խախտումների մասին 06.04.2022թ. արձանագրությունը և այլ նյութերը), որոնցով բացահայտվել է որ՝

ՍՊԸ-ն իրականացնում է թեթև արդյունաբերության արտադրանքների ներմուծում և մանրածախ վաճառք, ք. Երևան, Իսրայելյան 6ա հասցեում:

Ստուգումն իրականացվել է՝ «Թեթև արդյունաբերության արտադրանքի անվտանգության ստուգման վերաբերյալ» ստուգաթերթի հիման վրա:

Ստուգման արդյունքում պարզվել է, որ ընկերության կողմից ներմուծված թեթև արդյունաբերության բոլոր տեսակի արտադրանքներն ամբողջությամբ իրացվել են առանց համապատասխանության գնահատման փաստաթղթերի:

Փաստացի խախտվել է՝ «Տեխնիկական կանոնակարգի մասին» ՀՀ օրենքի 27-րդ հոդվածի 3-րդ մասի, ՄՄ հանձնաժողովի 09.12.2011թ.-ի N876 որոշմամբ հաստատված «Թեթև արդյունաբերական արտադրանքի անվտանգության ստուգման վերաբերյալ» կանոնակարգի 3-րդ հոդվածի 1-ին կետի պահանջները:

Նշված իրավախախտման համար պատասխանատու է՝

Հովակիմ Մնացականի Մնացականյանը

իրավախախտողի անունը, ազգանունը, պաշտոնը

ՀՀ Սյունիքի մարզ, ք. Սիսիան, Անգեղակոթ 4փ. 1նրբ. 6

մշտական բնակավայրը և հասցեն

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան Հովակիմ Մնացականյանի նկատմամբ վարչական տույժը որպես վարչական պատասխանատվության միջոց կիրառելիս վարչական իրավախախտման վերաբերյալ գործը քննելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները: Արդյունքում պարզվեց, որ նրա արարքում առկա են Վարչական իրավախախտումների վերաբերյալ Հայաստանի Հանրապետության օրենսգրքի 33-րդ հոդվածին համապատասխան վարչական իրավախախտման համար պատասխանատվությունը մեղմացնող հանգամանքներ:

Մասնավորապես, կատարված իրավախախտման վերաբերյալ նրա անկեղծ զղջումը և այն, որ ընկերությունը ապրանքային մնացորդ չունի:

Վարչական իրավախախտումների վերաբերյալ Հայաստանի Հանրապետության օրենսգրքի 279-րդ հոդվածին համապատասխան վարչական իրավախախտման վերաբերյալ գործը քննելիս Տեսչական մարմնի կողմից պարզվեց, որ Հովակիմ Մնացականյանի կողմից կատարվել է վարչական իրավախախտում, նա մեղավոր է այն կատարելու մեջ, հետևաբար ենթակա է վարչական պատասխանատվության, սակայն առկա են պատասխանատվությունը մեղմացնող հանգամանքներ:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Տվյալ իրավախախտման համար պատասխանատու ճանաչել Հովակիմ Մնացականյանին և կիրառել Վարչական իրավախախտումների վերաբերյալ Հայաստանի Հանրապետության օրենսգրքի 188-րդ հոդվածի 2-րդ մասով նախատեսված պատասխանատվության միջոցը, սահմանել տուգանք 100000/ մեկ հարյուր հազար/ ՀՀ դրամի չափով:

2. Համաձայն Վարչական իրավախախտումների վերաբերյալ օրենսգրքի 305 հոդվածի՝ տուգանքը պետք է վճարվի **Պետական բյուջե 900005024014 հ/հ** տուգանք նշանակելու մասին որոշումը իրավախախտողին հանձնելու օրվանից ոչ ուշ, քան 15 օրվա ընթացքում:

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Տուգանքը սահմանված ժամկետում վճարելուց հետո բանկային կտրոնի պատճենը անհրաժեշտ է 3 օրվա ընթացքում ներկայացնել տեսչական մարմնին՝ ք. Երևան, Կոմիտասի 49/2 հասցեով:

5. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍՉԱԿԱՆ ՄԱՐՄՆԻ ՂԵԿԱՎԱՐ՝

ԱՐՄԵՆ ԿՈՏՈԼՅԱՆ

